

M168: Leysersche Predigten (M/G T 15)

11ra,1 Hora e- iam nos de sompno surge'
 11ra,2 Disiv wort div alzan i- der latin gesprochen
 11ra,3 sint . div sprichet d' gvot sant
 11ra, paulus .
 11ra,4 vnt mant vnt wart vns da mit
 11ra,5 daz wir vns warn vnt richten gen dem
 11ra,6 tode vnt gen dem gerichte des vrtailichen
 11ra,7 tages . vnt perlichen die svndere die
 11ra,8 in den sunden enzslaphen sint . vnt sprichet
 11ra,9 also . "Hora e- iam nos et c' ." "Ez ist zit" sprichet
 11ra,10 er "daz wir vf von dem slaphe sten"
 11ra,11 Da bi svlen wir zewei dinch merchen .
 11ra,12 den slaph . vnt daz wir vf svlen sten . Der
 11ra,13 slaf bidivtet todliche svnde . des slaffes
 11ra,14 sache ist d' tievel . d' z er gelicher wise .
 11ra,15 d' trincer sich den sunderen zvo fvoget
 11ra,16 vngetrivlichen . vnt in bivtet div trichen
 11ra,17 d' werltlicher gelust . vnt si trvnchen
 11ra,18 machet mit der volgenvsh d' svnte .
 11ra,19 Nv merchet daz er den svnder des
 11ra,20 ersten trvnchen machet vnt dar nach
 11ra,21 emplozet . Er machet si trvnchen so er
 11ra,22 in binimt die erchantnvsh gotes vnt
 11ra,23 ir selber . Von d' zwivaltiger erchantnvsh
 11ra,24 sprichet sant Augustinus "Herregot
 11ra,25 v'lihe mir . daz ich erchenne dich vnt
 11ra,26 mich selben ." Itwed' erchantnvsh mangelt
 11ra,27 d' sunt' . Er mangelt gotes erchantnvsh
 11ra,28 da von itwizet im ysaia . "Cognouit
 11ra,29 bos pos . suu- et c' ." daz ist also gesprochen .
 11ra,30 Der hohs hat sinen h'ren wol erchant .
 11ra,31 min volch wil Aver min
 11ra,32 nicht erchennen . Daz ist vns ein groziv
 11ra,33 itwiz daz daz vihe sine maisterschaft
 11ra,34 erchennet . vnt d' svnt' gotes sines sepheres
 11ra,35 nicht erchennet . Da von sprichet
 11ra,36 sant Iacobus . "congnouit ei se et abiit

11ra,37 et statim oblitus est qual fu'it .” Sant
 11ra,38 iacob gelichet den svnd' einim tvmben-
 11ra,39 mennish d' sich selben shovwet in
 11ra,40 dem spiegel . vnt dar nach v'gizzet
 11ra,41 wer er gewesen si . Daz ist also gesprochen .
 11ra,42 Ob sich d' sunt' etwan erchennet
 11ra,43 so er daz goteswort hoeret swen er
 11ra,44 die svnte denne aver aevert so vergizzet

 11rb,1 er sin selbes . Der tivvel enplozzet
 11rb,2 den sunt' . swen er in zvo d'
 11rb,3 svnte hat pracht . vnt in birivbet
 11rb,4 d' zier gyter werche . Daz gewant
 11rb,5 bidivtet div gvoten werch des wir
 11rb,6 berivbet werden so wir den svnden
 11rb,7 volgen . Von div sprichet sant
 11rb,8 Iohs in Apoc- . “Beatus qui custodit uestimenta
 11rb,9 sua ne nudus ambulet”
 11rb,10 “Er ist selich” sprichet er “d' sines gewantes
 11rb,11 hivet daz er icht nacet
 11rb,12 ge .” Ob dem mennish saemlich ist
 11rb,13 nacet ze gen vor werltlicher
 11rb,14 maenige . verre harter ist iz laesterlich'
 11rb,15 sa shaemlich ze gen vor den
 11rb,16 oberstem fverste iesu xo . vnt allem
 11rb,17 himilishem here . waz mach
 11rb,18 wirser gesin den dem mennish nicht
 11rb,19 erbarm vb' sich selben vnt sich
 11rb,20 toeten mit den svnden . Von div ist
 11rb,21 gesprochen . “Homo p malicia- occidit
 11rb,22 anima- .” Mit d' vbel ersleicht d' svnd'
 11rb,23 sine sel . Der sel shenchet ovch vns'
 11rb,24 h'regot daz trinchen d' shanten .
 11rb,25 vnt d' ewigen ploetze . wan si sich
 11rb,26 selben e getrenchet hat mit den
 11rb,27 svnden vnt sich enplozzet hat von
 11rb,28 gvten w'chen . Div sel wirt ovch entnacet
 11rb,29 ewichlichen vor den tivveln .
 11rb,30 daz vil shentlich ist . want d' svnd'
 11rb,31 dizzes ellende bigit . daz er nicht
 11rb,32 mit im fvert niwan die svnde .
 11rb,33 Vnt wan vil manige in disem
 11rb,34 todlichem slaffe ligent . so rveffet
 11rb,35 in sant paulus ut sprichet . “Hora e-
 11rb,36 et c' .” Min vil lieben daz andere ist
 11rb,37 daz wir vf svlen sten . Nv merchet
 11rb,38 daz manich so vaste slaffent daz
 11rb,39 si [...] [...] [...] [...] sint ze wechen

11rb,40 [...] [...] [...] gewechet von dem
 11rb,41 slaffe d' sunden mit drin wechern .
 11rb,42 Der erste wecher ist disiv werlt .
 11rb,43 Disiv werlt wechet vns swen
 11rb,44 wir ir swacheit vnt ir bose liste
 11rb,45 betrachten . Von div spricht

11va,1 der wisage Ezechiel . “Subu'sores su-t
 11va,2 tecu- et cum scorpionibus habitas .” daz ist
 11va,3 also gesprochen . Die v'cherer vnt die
 11va,4 triegere sint mit dir vnt wonst
 11va,5 dv mit den scorpen . Daz sint die triegere
 11va,6 die div gvten dinch v'cherent .
 11va,7 Von den spricht ovch ysaias . “Ve uob
 11va,8 qui dicitis malu- bonu- et bonu- mal .”
 11va,9 “We iu” spricht er “die da heizzent
 11va,10 daz vbel gvot vnt daz gyte vbel .” Von
 11va,11 den sol man gern vlihen . daz retet
 11va,12 ovch vns sant Iohs in apoc- . “Egredimini
 11va,13 de babylone ppls m-s . et c' .” Daz ist
 11va,14 also gesprochen . Min volch vart
 11va,15 vz babylone . daz ir ir svnte icht
 11va,16 teilhaftich werdet . vnt
 11va,17 ir slege icht enphacht . wan ir
 11va,18 svnte chomen sint vnz hin z himel .
 11va,19 Babylon heizet die shant .
 11va,20 vnt bidivtet dise w'lt . wan swaz
 11va,21 man nach vpicheit vnt nach shanten
 11va,22 tvoet daz pringet die ewigen
 11va,23 shante . Von den shanten svlen
 11va,24 wir vliehen . daz wir ir nicht genoz
 11va,25 sin wan swer an daz pech rvoret
 11va,26 d' wirt d' von gemailiget .
 11va,27 Ez ist sere ze fverhten daz er da
 11va,28 spricht daz wir ir slege icht enphahen .
 11va,29 die v'dampten . enphahent
 11va,30 manige wize in d' helle . vnt vord'lichen
 11va,31 zwo . sitim et fam- den dvrst
 11va,32 vnt den hvng' . Von dem erstem shribent
 11va,33 vns sant luc- . an dem ewo .
 11va,34 von dem richem manne der in
 11va,35 d' helle bestat wart . vnt da sach
 11va,36 meren abraham . vnt den dvrftigen
 11va,37 lazaru- in siner shoez . dem er e sine .
 11va,38 brosem v'zigen het die ab sinem
 11va,39 tische riren . Vat' abraham sprach
 11va,40 “er erbarm dich vb' mich vnt sente

11va,41 lazaru- daz er sinen minnisten
 11va,42 ving' stoez in ein wazzer . vnt
 11va,43 mir mine zvnge chvele mit
 11va,44 acinigem trophe" Nv sehet wie
 11va,45 harte in dvrste . d' einiges trophe-

 11vb,1 gerte . daz doch perlichen ein chleiniv hilfe
 11vb,2 was . Ir wizzet wol swer ze allen ziten
 11vb,3 in hizzze ist daz den harte dvrstet . Vnt
 11vb,4 wan die v'dampnten ze allen ziten in
 11vb,5 d' helle hizzze gewiziget w'dent . so ist ovch
 11vb,6 gewish daz si ze allen ziten dvrste .
 11vb,7 Der andere slach daz ist d' hung' . d' slach
 11vb,8 ist groz . von dem slage spricht d' wisage
 11vb,9 ysaias . "S'ui mei comedent et uos esu- ." "Mine
 11vb,10 chnechte vnt min diner die ezent . vnt
 11vb,11 mvoz ivch hvngern ." "It- y-s . Comedent
 11vb,12 iusti in regno pane- anglorum" Daz ist also
 11vb,13 gesprochen . Die rechten ezzen in dem
 11vb,14 himel . daz engelprot . daz ist christ selbe .
 11vb,15 swen si gesatet werdent von siner
 11vb,16 ansicht . So hvngert die vnrechten ewichlichen .
 11vb,17 in der helle wan si . gotes magenchrapft
 11vb,18 nimmer vb'shent . Von div ist
 11vb,19 gesprochen . Tollatur inpius ne uideat glo .
 11vb,20 dei . D' vnrechte w'de fvoder getan . daz er
 11vb,21 gotes gnade immer beschowwe . Man list
 11vb,22 daz daz si vor hvngers not ir selbes lip
 11vb,23 ezzen . Da von spri y-s . "Vnusquis carne- brachii
 11vb,24 sui vorabt ." daz spri . also . ir isslicher izzet
 11vb,25 sines armes vleish . vnt . chivgent ir zvnge
 11vb,26 vor hvng' . Owe . svzzer iesv . da d' leiplich
 11vb,27 hung' so groz ist . als man list daz
 11vb,28 div wip svoten ir chint vnt si azzen vor
 11vb,29 hvngers not in d' stat samaria . vnt ir
 11vb,30 selbes leibe . nicht mochten entleiben
 11vb,31 waz geshicht in d' helle da die svndere .
 11vb,32 besezen werdent ewichlichen von den
 11vb,33 tieveln vnt gewizigent werdent von
 11vb,34 dem ewigem hunger . sehet welch zewene
 11vb,35 groze slege da mit d' allemaechtige
 11vb,36 got den svnd' ewichlichen sleicht .
 11vb,37 daz wir mit den slegen icht geslagen
 11vb,38 werden . so sulen wir vliehen vz babylonia .
 11vb,39 also rvefet vns d' wecher d' gelvst
 11vb,40 d' werlt . hora e- et c' . D' andere wecher
 11vb,41 daz ist got . d' vns wechet so er vns vristet .
 11vb,42 vnt baermchlichen bitet zv der

11vb,43 bvozze . Er bitet vnser als ein h're . sinen
 11vb,44 chnecht vnt als ein vat' sin . Er bitet
 11vb,45 vns' als ein herre sinen chnecht . swen

12ra,1 er vns die vorchte sines gerichtes erzeiget
 12ra,2 vnt der helle . die vorchte sulen wir
 12ra,3 im vollechlichen leisten . wan er sprichet
 12ra,4 an dem ewo . "Nolite timere eos qui corpus
 12ra,5 occidunt anima- aut- non pussunt oc . et c'"
 12ra,6 "fvrchtet si nicht" sprichet er . "die den
 12ra,7 lip toetent . fvrchtet den d' den lip vnt
 12ra,8 die sel v'dampnt in die helle ." Werlichen
 12ra,9 er ist ze vvrchten d' vns' leben i-
 12ra,10 siner gewalt hat . vnt dem svntere
 12ra,11 shier verteilen mach . Er bitet vns
 12ra,12 ovch als ein vat' sinen chinden . ob wir
 12ra,13 in nicht fvorchten wellen . daz vvir in
 12ra,14 doch minnen als vnseren vat' . vnt
 12ra,15 gedenchen siner gvtet die wir enphangen
 12ra,16 haben an siner marter v-t
 12ra,17 an sinem tode . werlichen wir sin gechavphet
 12ra,18 mit einem tivwerem werte
 12ra,19 wir sin aver leid' so erhertet . daz wir
 12ra,20 in nicht fvorchten als die chnecht ir
 12ra,21 herren . noch nicht minnen als div
 12ra,22 chint ir vat' . Von div chleit d' wisage
 12ra,23 Malachias . "Der chnecht eret sinen
 12ra,24 herren . daz chint sinen vat' . Ob ich
 12ra,25 nv d' h're pin wa ist min ere . ob ich
 12ra,26 d' vat' pin wa ist min libe ." Nv sehet
 12ra,27 wie d' parmherziger herre . vnt der
 12ra,28 liebe vat' v'smehet wirt . War vmbe\&con
 12ra,29 Niwan daz er die vrteil vber die svntere
 12ra,30 schier icht tvoet . ecces . Dar vmbe
 12ra,31 daz man die vrteil vb' die vnrechten
 12ra,32 shier nicht geit . da von belibent si in
 12ra,33 ir vbel . an alle vorchte . Dar vmbe rvef
 12ra,34 die gotesbarmunge bitent vnt
 12ra,35 sprech . "Hora e- et c' ." Der dritte wecher
 12ra,36 ist daz zit . werlichen wir svlen erwechet
 12ra,37 werden von dem zite wan ez
 12ra,38 chvrz ist . Von dem churzem zite sprichet
 12ra,39 Iob . "Breues dies ho-is s- ." "Des mennishen
 12ra,40 tage sint chvrz ." Des mennishen
 12ra,41 cit ist gelichet . zwein chleinen
 12ra,42 dingen . einigem trophen wazzers .
 12ra,43 vnt eine- chleine- stei-line wan als

12ra,44 dechein gelichnvsh des einigen trophen
 12ra,45 gen dem mer ist . vnt des steinlines

 12rb,1 gen dem griez d' an des meres
 12rb,2 stade . leit . also ist dehein gelichnvsh
 12rb,3 des zites vnseres lebens
 12rb,4 gen dem tage den got selbe machet
 12rb,5 so div werlt zerget . want dehein
 12rb,6 nacht vvr baz nicht en wirt .
 12rb,7 Von dem tage sprichet got selbe
 12rb,8 dvrch des wisagen mvnde y-s .
 12rb,9 "Div svnne sheinet dir fvr baz nicht
 12rb,10 bi dem tage noch d' man bi d' nacht
 12rb,11 want got selber wirt dir ein ewiges
 12rb,12 liecht . vnt div chlage wirt
 12rb,13 volendet ." Daz ist also gesprochen .
 12rb,14 ob dv nv gemvet wirrst . ob dv nv
 12rb,15 chvmb' lidest vnt not . daz en hahte
 12rb,16 nicht vil . wan iz chvrzlichen wirt
 12rb,17 v'endet . vnt dvlt iz alles gern daz
 12rb,18 dv chomest zv dem tage des ewigen
 12rb,19 tages . zv dem tage ladet
 12rb,20 vns sant paulus vnt sprichet . "No-
 12rb,21 s- condigne pass . hus t . et c' ." Div arbeit
 12rb,22 dizes lebe-s . ist chlein wid' die ewige
 12rb,23 gnade div vns erzeiget wirt
 12rb,24 Der gvt sant paulus bedachte wol
 12rb,25 daz chvrze zit vnseres lebens vnt
 12rb,26 mant vns daz wir icht enshlaffen
 12rb,27 in den todlichen sunden . vnt daz
 12rb,28 wir wachen zv dem ewigem leben
 12rb,29 Daz ovch wir daz tvoen des v'lihe vns
 12rb,30 d' vat' vnt d' svn . vnt d' heil geist
 12rb,31 AMeN . Dom- . ija
 12rb,32 QVecumq scripta sunt et c' Der
 12rb,33 gyte sant paulus sprichet also
 12rb,34 hivte an dem ampte . "Swas geshriben
 12rb,35 ist daz ist ze vnser lere vnt
 12rb,36 ze vnserem heile geschriben . daz
 12rb,37 wir zv d' shrift trost vnt gedinge
 12rb,38 haben ." Gewislichen ez ist vil
 12rb,39 geshriben ze vnserer lere . wan
 12rb,40 swas div alte e . vnt div niwe
 12rb,41 geshriben hat . daz ist ze vnserer
 12rb,42 lere geshriben . Doch sint vord'licher
 12rb,43 driv pvch geshriben ze vns'
 12rb,44 lere daz ist daz erste pvch d' natvwer .
 12rb,45 od' d' geshepft . daz andere .

12va,1 ist der schrift . daz dritte d' lebentigen
 12va,2 puch . Der gesept pvch bedivtet
 12va,3 alle w'lt . y-s . "Erit uisio omniu-
 12va,4 c'aturarum et c' ." daz ist also gesprochen .
 12va,5 Div beshovde aller creatiwer wirt
 12va,6 als div beshovde des v'sigelten pvches .
 12va,7 wan als div chint div d' bvstaben
 12va,8 nicht erchennent vnt si doch
 12va,9 d' bustaben shoene wndert also sehent
 12va,10 die vngelerten an daz pvch
 12va,11 d' creatiwer . daz die werlt bidivtet
 12va,12 vnt zimt si wol des pvches shoene
 12va,13 vnt wizzen doch nicht die chraft
 12va,14 die got v'borgen hat in siner creatiwer .
 12va,15 An dem bvoche d' creatiw'
 12va,16 sint geshriben dri bvchstaben die
 12va,17 wir betrachten svlen . Die ersten
 12va,18 bvchstabe sint . div svnne . d' man
 12va,19 vnt die stern . Die anderen bvchstabe
 12va,20 sint die b'ge . div erde vnt die
 12va,21 livte . D' iehlicher bvchstabe . hat sin
 12va,22 ampt . An dem ersten bvchstabe
 12va,23 strachten wir gotes shoene . wan
 12va,24 ob div svnne . d' man vnt die stern .
 12va,25 shoen sint . so mvgen wir wol wizzen
 12va,26 daz d' shoener ist d' si geshaphen
 12va,27 hat ze gelicher wise . swer eines
 12va,28 wersten ezzenmach' sehe in lichter
 12va,29 wat gen . d' moechte sich da bi ersten
 12va,30 daz ir h're verre baz gezieret
 12va,31 wer . also so wir sehen sin' geshept
 12va,32 shoene . so wizzen wir wol daz ir
 12va,33 shepher verre liechter ist . Des shepheres
 12va,34 shoene ist zwivaltich d' mennisheit
 12va,35 vnt d' gotheit . Von d' shoene
 12va,36 d' mennisheit sprichet Salom- .
 12va,37 "Dilcs m-s candidus et rubicundus et c' ."
 12va,38 daz ist gesprochen . D' min lieb ist
 12va,39 liecht vnt rot . liecht von d' vnsvlde
 12va,40 wan er nie svnt getet . noch
 12va,41 wart nie valsh in sinem mvnde .
 12va,42 vunden . Er ist roet . vor d' itwiz d'
 12va,43 mart' wan er vnser svnte ab gewashen
 12va,44 hat mit sine- blvoete . Von

 12vb,1 d' gotheit shoene dicit Beda . "Div gotheit

12vb,2 ist ein geistlich gehebede so vnmezlich'
 12vb,3 shoene vnt so grozzer svoze
 12vb,4 daz die engel die sibenstvnt' liechter
 12vb,5 sint den div svnne emzzichlichen an
 12vb,6 in gernt ze sehen ." Werlichen er ist so
 12vb,7 shoen daz dehein anderiv shoene noch
 12vb,8 dehein svozze dehen liecht dehein
 12vb,9 shein im gleichen mvoge . ob halt
 12vb,10 als manch sunne wer . als manch blat
 12vb,11 vf den bovmen ist vnt graz vf d' erde .
 12vb,12 der shein dehein mennishlichen ovgen
 12vb,13 verdolen moechten . dannoch wer der
 12vb,14 gotheit liecht v're groezzer Da von spricht
 12vb,15 Salomon . "Candor e- lucis et'ne ." Er
 12vb,16 ist ein shein des ewigen liechtes . vnt
 12vb,17 ein spigel an meil . Ob er nv ist ein shein
 12vb,18 des ewigen liechtes . so sehen wir in
 12vb,19 an . daz wir an meil werden . Alle heiligen
 12vb,20 sel . die got ze allen ziten an sehent .
 12vb,21 pitet vmb vns daz wir in etwan mit
 12vb,22 iv sehen mvozen . Daz sint die ersten bvchstabe .
 12vb,23 Die anderen bvechstabe sint die
 12vb,24 berge an den wir betrachten svlen gotes
 12vb,25 groezze . wan ob die berge groez
 12vb,26 sint v're groezzer ist d' si geshaphen hat .
 12vb,27 propheta . "Celum et t'ra- eo inpleo ." Ich wille
 12vb,28 den himel vnt die erde . Werlichen er
 12vb,29 vullet himel vnt erde wan dehein stat
 12vb,30 ist da si got . Gregorius de regulo . Sant g'gus
 12vb,31 spricht von dem chvniglin . daz got vmb
 12vb,32 sines chindes gesvnt gen pat in sin hvos .
 12vb,33 vnt vollechlich nicht gelovbet daz er in
 12vb,34 mit einem worte . vnt allenthalben moecht
 12vb,35 gesvnt machen . Het er genzlichen gelovbet .
 12vb,36 so het er wol gewest daz got
 12vb,37 an allen steten ist vnt gewalt hat .
 12vb,38 Achten wir die erde so svlen wir wizzen
 12vb,39 daz dehein stat ist da si got . Vf dem
 12vb,40 himel ist dehein stat da si got . In d' helle
 12vb,41 ist dehein stat da si got . In dem abgrunt
 12vb,42 ist dehein stat da si got . Da von
 12vb,43 sulen wir wizzen daz dehein stat ist
 12vb,44 dan si got . Die dritte bvchstabe sint

13ra,1 die liute da bi wir gotes wisheit v'sten
 13ra,2 wan . ob d' mennish wis ist . verre wis'
 13ra,3 ist der in beshaphen hat . Daud . "O-ia

13ra,4 in sapi-a fecisti et cetera .” daz ist gesprochen .
 13ra,5 Herregot . dv hast himel vnt erde
 13ra,6 vnt suaz da inne befangen ist mit
 13ra,7 diner wisseit geshaphen . Vnt ist wnd’
 13ra,8 ob er elliv dinch wislichen geshaphe-
 13ra,9 hat in dem elliv chvnst vnt wisheit
 13ra,10 v’born ist . Von im nemen wir die wisheit
 13ra,11 daz wir vns fverchten vnt hivten
 13ra,12 sulen vor den sunten . Dar nach
 13ra,13 get daz pvoch d’ shrift . daz tvet driv
 13ra,14 dinch . Des vergezen heizet ez gedenchen .
 13ra,15 Engagenwrte . wart ez den mennish .
 13ra,16 Ez vor seit chvmftigiv di-ch . Der
 13ra,17 v’gezzen heizzet ez gedenchen also wir
 13ra,18 v’gezzen nahen alle waz gnaden wir
 13ra,19 enphangen haben . von d’ gotesmart’ .
 13ra,20 des vns div shrift alle tage her wid’
 13ra,21 mant . Apus . paulus . “Got ist in dise werlt
 13ra,22 chomen . daz er die suntere heilen wil .
 13ra,23 des sulen wir ze allen citen . wol gedenchen .
 13ra,24 vnt sulen daz pvoch in vnserem herze
 13ra,25 tragen daz wir sin icht v’gezzen .”
 13ra,26 B’nhs . “Die sunte toetet nicht als hart
 13ra,27 als des gemarterten gehvodde .” s . dei .
 13ra,28 Daz pvch d’ shrift warnt vns gagenwrt
 13ra,29 David . “Chere von dem vbel vnt tvo daz
 13ra,30 gvote .” Bi dem vbelem nemen wir die
 13ra,31 sunte . von den wir cheren sulen . wan
 13ra,32 da bi daz iz sunte heizet versten wir
 13ra,33 wie shedlich div sunde ist . Div sunde heizet
 13ra,34 von dem sundern . wan d’ sund’ von
 13ra,35 got vnt von d’ christenheit gesundert
 13ra,36 ist . Secht welhen shaden div sunde pringet
 13ra,37 da von cheren wir von den sunden .
 13ra,38 Daz geshriben bvech seit chvmftigiv
 13ra,39 dinch . Luc- . sprichet an dem ewo . “Wir gesehen
 13ra,40 des mennishn sun chomen in den
 13ra,41 livften . Mit siner magenchraft vnt
 13ra,42 mit groezzem gewalte .” da mit meinert
 13ra,43 er den iungisten tach . Gotes gewalt
 13ra,44 mit dem er zv dem gerichte . chvmt .

 13rb,1 d’ ist drivaltich . Daz er sampt
 13rb,2 daz er richtet . Daz er vrteilet . Er
 13rb,3 samt alle diet zv sinem gerichte
 13rb,4 D’ wissage . Iohel sprichet . “Ich samne
 13rb,5 alle diet in daz tal ze iosaphat .” Iosaphat
 13rb,6 bidivtet daz gericht . wol samt

13rb,7 got hin z dem gericht alle vb'
 13rb,8 die er richten wil . Er richtet . wan
 13rb,9 er mit sinem gericht alle tat wol
 13rb,10 besheidet . Sin gewalt ist vrteilich .
 13rb,11 Wan der v'dampten vrteil . ist so starch
 13rb,12 daz ir nieman wid'sten mach . da
 13rb,13 von ist gesprochen . Sin zorn vnt sin
 13rb,14 antvnge v'treit nicht deheine rach .
 13rb,15 Dar nach ist daz lebentige pvoch . daz
 13rb,16 bidivtet got selben . Got d' daz lebentige
 13rb,17 bvoch heizet d' hat an im zwei
 13rb,18 dinch . Er heizet daz lebentige bvoch
 13rb,19 vnt des grozzen lebens bvoch . wan
 13rb,20 die z einigem male an in geschriben
 13rb,21 w'dent die lebent ewichlichen .
 13rb,22 ysaias sprichet . Er ist heilich geizen d'
 13rb,23 an dez himels pvoch geschriben wirt .
 13rb,24 Sw' ein siechen vraget . "wil dv daz din
 13rb,25 nam geshriben w'de an dem pvoche
 13rb,26 dar vmb daz din leben hvndert iar
 13rb,27 w'de gelenget . ob er nicht geshriben
 13rb,28 wirt so wirst v nicht gesvnt ." er
 13rb,29 gert sin von h'cen vaerre halt
 13rb,30 suln wir gern daz wir geschriben
 13rb,31 w'den an daz lebentige bvech . wan
 13rb,32 aleine wirt vns daz leben da von
 13rb,33 nicht gelenget . ez wir halt geewiget .
 13rb,34 dar vmb sint die suntere verdampnet
 13rb,35 daz si an daz lebentige
 13rb,36 pvoch icht geshriben w'dent . Iohs
 13rb,37 "Sw' nicht geshriben wirt an daz
 13rb,38 lebentige bvch d' w'de gesenchet in
 13rb,39 daz prinnente swebel ." Ez heizzet
 13rb,40 ovch daz grozze pvoch des lebens . wan
 13rb,41 manige . livte dar an geschriben
 13rb,42 habent . s . s'uus d' chnecht . d' reit' .
 13rb,43 d' richt' . daz volch . d' iude . d' heide .
 13rb,44 Chnechte habent dar an geschriben

13va,1 mit den halslegen . wan da got
 13va,2 gemart' wart da halsleget in
 13va,3 die chnecht . Die reit' habent an daz
 13va,4 bvoch geschriben wan si im ein dvrnen
 13va,5 chrone an daz hovpt . sazzeten .
 13va,6 D' richt' hat an daz pvch geschriben dv
 13va,7 er in harte geiseln hiez . Daz volch
 13va,8 hat dar an geschriben mit dem

13va,9 geshreine . da si in hiezzen chrivzen .
 13va,10 Die iuden habent dar an geshriben
 13va,11 mit ir rat vnt mit ir gvnste . Der
 13va,12 heide hat dar an geshriben mit d'
 13va,13 volleist d' vrteil . Mit den chnechten
 13va,14 bidivtet man die vnele . Mit dem
 13va,15 reit' die edel . Mit dem richt' die
 13va,16 vbeltet' . bi dem volch . wib vnt man
 13va,17 Mit den iuden die phaphen . Mit den
 13va,18 heiden die gewaltiger . also marterten
 13va,19 si got allesamt . wan er vmb ir
 13va,20 sunde gemart' wart . Da von ist daz
 13va,21 lebentige bvoch groz wan manige
 13va,22 dar an geshriben habent . Dar vmb
 13va,23 piten wir got daz wir dr an geshriben
 13va,24 w'den . AM- . Dom- . iiii .
 13va,25 Sic nos existimet homo et cetera . D' gvot
 13va,26 sant paulus d' ein vroner lerer
 13va,27 heizet der christenheit ret vns
 13va,28 mit disen Worten . gvotiv werch
 13va,29 vnt daz wir gotes diener ze alle-
 13va,30 citen sin . vnt spricht also . "Ein
 13va,31 igelich mennish hab vns vvor gotes
 13va,32 diener . daz wol geschicht ob
 13va,33 wir im vorchtichlichen dienen ."
 13va,34 Sich rvoemet manig' daz si riche
 13va,35 herren vnt gewaltige haben .
 13va,36 auer sant paulus d' werltliche
 13va,37 fversten als den mist hachtet .
 13va,38 d' rwomet sich got ze einem
 13va,39 herren haben . Vnt nicht vmpilichen
 13va,40 wan er eine rich vnt gewaltich
 13va,41 ist . Daniel . Sin gewalt
 13va,42 ist ein ewig' gewalt . Einem so
 13va,43 hohem h'ren sulen wir dienen
 13va,44 durch driv dinch . wan iz pillich

13vb,1 ist zimlich . vnt ersam . Iz ist pillich
 13vb,2 daz wir sinen gnaden gebvnten
 13vb,3 sin . wan wir so hohe von vnserem
 13vb,4 h'ren begnadet sin . daz vns sin gvotet
 13vb,5 im ze dienst twinget . Von got sin wir
 13vb,6 belehet mit drin grozen lehen . daz
 13vb,7 erste ist citlich . daz andere geistlich .
 13vb,8 daz dritte ewich . Daz zitlich ist groez
 13vb,9 wan d' mennish moecht an daz nicht
 13vb,10 geweren . Got d' tvoet vns wol vnt
 13vb,11 hat vns manige gabe geben . den regen .

13vb,12 b'ndiv iar . win vnt oel . vnt
 13vb,13 chorn vnt andere hilfe an die d' mennish
 13vb,14 nicht gewern mach . vnt swie
 13vb,15 doch div zergenchlich sin so heit vns
 13vb,16 doch vns' h'regot sine gabe reilichen gegebe- .
 13vb,17 ob wir nach sinem willen tvoen . daz
 13vb,18 er vns die ewigen gab geb div verre
 13vb,19 groezzer ist den div zergenchlich .
 13vb,20 Div andere gvottet ist geistlich daz ist
 13vb,21 div gotesbarmmvnge . div w'lichen
 13vb,22 groz ist wan er die rivsere ze allen
 13vb,23 citen enphecht . Vnde dn-s p ezechiele- .
 13vb,24 "Chert ivch gen mir so cher ich mich
 13vb,25 gen iv vnt sterbet nicht in iweren
 13vb,26 svnten ." Div gvtet d' barmvnge ist
 13vb,27 drivaltich . Div ein barmvnge hoert
 13vb,28 ze vns selben . div andere ze vnserem
 13vb,29 ebenchrste . div dritte ze vnserem
 13vb,30 h'ren got . Div barmvnge div ze vns selben
 13vb,31 hoert div ist groz . Salomon . Mennish
 13vb,32 erbarm dich vb' dine sel . wan dv
 13vb,33 got wol gevellist . W' d' mennish got nicht
 13vb,34 lieb gewesen . er wer von himel zv der
 13vb,35 erde dvrch in nie chomen . vnt wer durch
 13vb,36 in nie mennish Worten . noch en het so
 13vb,37 manige itwiz erliten . noch het sich
 13vb,38 an daz chrvoze nicht lazzen gehangen
 13vb,39 als einen divp . War umb solde sich der
 13vb,40 mennish vb' sich selben nicht erbarm .
 13vb,41 d' daz von sin' natiw' hat . ob er ein vvnten
 13vb,42 sehe ligen an d' strazze . halt so vil
 13vb,43 mer . ob iz ein vihe waer daz deheinen
 13vb,44 sin hat . daz er sich dar vb' erbarmen

14ra,1 mvoezt . wan des mennishen chlage
 14ra,2 dar ob groz w' . halt sol ein islich mennish
 14ra,3 sich erbarmen vnt chlagen vb'
 14ra,4 sich selben an dem dechein gesvnt ist . von
 14ra,5 d' solen . vnz vf die sheitel . Ein islich
 14ra,6 svnt' sol sich erbarmen vb' sich selben
 14ra,7 vnt sol sich erzen mit d' pvoez . daz er
 14ra,8 icht ewichlichen tot si . Ezechiel . "Div siv-tigiv
 14ra,9 sel . div ist tot ." Div anderiv barmv-ge
 14ra,10 gehoret . ze vnserem ebenchrist dem
 14ra,11 wir helffen sulen ob er in noten ist .
 14ra,12 Salomon . "Troest den weinenden vnt gench
 14ra,13 mit den chlagenden ." Die weinenden

14ra,14 vnt die chlagenden sint die armen den
 14ra,15 wir helffen sulen . Der sich getrivlichen
 14ra,16 vb' den anderen erbarm- wil . d' sol chlagen .
 14ra,17 als d' die not leidet . Ob er weinet
 14ra,18 so wein er mit im . ob er triw' so triw' '
 14ra,19 mit im . Paulus . "Weinet mit den die da
 14ra,20 weinent ." daz taeten s ern iobes vrvte
 14ra,21 da si in in dem miste . sahen sizzen . vnt
 14ra,22 saetten stavb vf ir hovbet vnt waeinten
 14ra,23 vnt zarten ir gewant vnt sazen bi im
 14ra,24 vf dem miste sibem tage vnt sibem nacht
 14ra,25 Daz selbe tet sant Thomas lazaro da
 14ra,26 er sprach . "Gen wir dar vnt st'ben mit
 14ra,27 im ." sehet wil ein barmvnge . er wolt nicht
 14ra,28 ein weinen . er wold ovch mit lazaro st'ben .
 14ra,29 Div dritte barmvnge gehoret zv vnsere-
 14ra,30 h'rengote . div haeizzet ein barmvnge . des
 14ra,31 vat' zv dem chinde . david . Als sich d' vater
 14ra,32 erbarmet vb' daz chint also erbarmet sich
 14ra,33 got vb' vns wan er vns geshaphen hat .
 14ra,34 Des vat' barmvnge vb' sin chint ist groez .
 14ra,35 wan swi mvlich daz chint ist vnt vngezogen .
 14ra,36 so mag er im doch sin vaet'liche triwe
 14ra,37 nicht enfremden . Also tvoet vns d' himelish
 14ra,38 vat' als sinen chinden . swen er den sunt'
 14ra,39 sicht in d' riwe so halset er in . swen er
 14ra,40 die svnte bvezzet so chvosset er in . Secht
 14ra,41 wie groziv barmange gotes gen dem svndere
 14ra,42 ist . Div dritte gvottet ist ewich . daz
 14ra,43 ist got selbe d' vat' vnt d' svn v- d' heilg geist
 14ra,44 Got geit dem mennish die ewigen gvottet .

14rb,1 Er geit im den sun . den heiligen
 14rb,2 geist vnt sich selben . Er geit den
 14rb,3 svn . als d' wissage y-s sprichet . "Vns
 14rb,4 ist ein wenig chint geborn ." vns
 14rb,5 ist ein sun gegeben Ze wiv ist
 14rb,6 er vns gegeben . ze wiv ist er vns geborn .
 14rb,7 Ze einem shermer ist er vns
 14rb,8 geborn . ze einem leiter ist er vns
 14rb,9 gegeben . ze einem shermer ist er
 14rb,10 vns geborn . wan ob er vns nicht shermet
 14rb,11 wer were d' vns b'shermen
 14rb,12 moechte vor d' tievel trvgenheit .
 14rb,13 ze einem leit' ist er vns gegeben . wan
 14rb,14 er vns beleitet vz disem ellende in
 14rb,15 daz ewige leben . als er sprichet an
 14rb,16 dem ewo . "Chomet her mine gesehende

14rb,17 vnt enphacht daz rich daz iv bereitet
 14rb,18 ist von angenge d' w'lt ." Der
 14rb,19 heil geist ist vns gegeben . daz er vnser
 14rb,20 h'ce erliu't vnt erzivnte . wan
 14rb,21 swen d' heil geist mit sin' chraft zv vns
 14rb,22 chvmt . so erlishet an vns d' suntige
 14rb,23 gelvost . Gewislich all' gelvst erlishet
 14rb,24 an vns von dem viw' des heil geistes .
 14rb,25 Sich selben git ovch vns' h'regot dem
 14rb,26 sundere . nv sehet wil ein gabe div
 14rb,27 ewige gvotet ist . Waz mag vns got
 14rb,28 mer gegeben . nach so grozz' gabe
 14rb,29 vnt so getan' gvotet . vnseres h'rengotes
 14rb,30 sulen wir im mit dienst bereit sin .
 14rb,31 Nicht eine svlen wir got von sulden
 14rb,32 dienen wan . iz ovch zimlich ist . Iz ist
 14rb,33 zimlich daz wir got dienen wan er
 14rb,34 vns gedienet hat . Maths . "Des mennishen
 14rb,35 sun ist nicht chomen daz
 14rb,36 man im diene ." er wil dienen vnt
 14rb,37 sin sel geben vmb vnser losvng
 14rb,38 Wir sprechen offte zesamn . "han
 14rb,39 ich dir gestern gedienet . so dien dv
 14rb,40 mir hivte ." D' gotessun hat vns gedienet
 14rb,41 nv ist pillich daz wir im ovch
 14rb,42 dienen . Er hat vns lange gedienet
 14rb,43 vnt getrivlichen . Lange . hat er
 14rb,44 vns gedienet . driv vnt drizzech iar .

14va,1 Getrivlichen . von allem sinem h'cen hat
 14va,2 er vns gedienet . Sumeliche dient
 14va,3 die wil daz cit heit' ist . so au' daz vnwit'
 14va,4 chvmt so vlihent si von d' arbeit
 14va,5 also tet got selb' nicht . da sin angest
 14va,6 all'groezzist was . da dient er vns allerswarist .
 14va,7 als daz ew%M seit . daz sin sweiz
 14va,8 in pluotes weise ab im travf also
 14va,9 sware dient er ovch daz er pilato
 14va,10 nicht antwrten wolde . daz vns' heil
 14va,11 vnt vnser losunge icht vf geshvoben
 14va,12 wrde . war vmbe hat er vns gedienet
 14va,13 recht vmb die svnde . nv was lones
 14va,14 geben wir im . vmb so grozes dienst
 14va,15 Daz er an lon icht belibe so geben
 14va,16 wir im vns' sel vnt vns selben . anders
 14va,17 er chleit dem himelische- vater
 14va,18 vb' vns an dem iungistem gericht

14va,19 daz wir in v'smehet haben . Da von
 14va,20 geben wir im sin lon die wil er
 14va,21 iz nem . er nimt sin leicht nicht denne
 14va,22 so wir im z geben wellen . Wir
 14va,23 dienen got zimlichen wan er vns
 14va,24 e gedienet hat . nv ist ovch ersam
 14va,25 daz wir got dienen . wan sin dienst
 14va,26 geit vns grozze ere . Salo . "Ez ist groziv
 14va,27 ere dem chnechte sinem h'ren ze volgen .
 14va,28 wan er mit im reichssente wirt"
 14va,29 Iz dienen manige daz si von den
 14va,30 irdishen h'ren gehoeht w'den . Dienen
 14va,31 wir got . daz wir chunige werden
 14va,32 vnt daz ewige rich gewinne- .
 14va,33 Got hat die chrone in d' ha-t daz er
 14va,34 si snelle vf seze swem er wil so
 14va,35 sprichet dv lichte . "Wa ist des reiches
 14va,36 chrone ." ysaias sprichet . "An dem
 14va,37 iungistem tage so wirt vnser
 14va,38 h'regot . ein chrone d' eren vnt ein chranz
 14va,39 d' vrvden . sinem volche ." Die
 14va,40 chrone habent die v'dampfen nicht
 14va,41 von den l'emias . sprichet . "Vnseres havptes
 14va,42 chrone ist vns enphallen we
 14va,43 vns daz wir gesuntet haben ." Iedoch
 14va,44 w'dent si gechroenet . y-s . Ich chrone

 14vb,1 dich mit d' ewigen angest daz ist
 14vb,2 div chrone d' ewigen v'dampnvsh da
 14vb,3 vns' h'regot von erloese . vnt want pillich .
 14vb,4 ist zimlich vnt ersam . got ze dienen
 14vb,5 so piten wir in daz wir im also gedienen
 14vb,6 mvoezzzen daz wir d' ewigen saelicheit
 14vb,7 loen enphahen AMeN .
 14vb,8 GAudete in dn-o semp et c' . Sant paulus
 14vb,9 retet vns hivte daz wir vns ze allen
 14vb,10 citen in got vriwen . vnt sprichet . "Vrivt
 14vb,11 ich in got ellichen . iw' chivsh si allen livten
 14vb,12 chvnt . got ist iv nahen bi ." Nv sulen
 14vb,13 wir wizzen daz div vrvde drivalentich ist .
 14vb,14 Div zergenchlich . Div geistlich . Div himelish .
 14vb,15 Da vil livte trovrent da wer eines
 14vb,16 troesteres durft . also hat sant paulus die
 14vb,17 rechten getroestet die in disem ellende
 14vb,18 sint vnt sprichet . "Vraevt ivch ze allen
 14vb,19 citen in got ." Wan div vrvde drivalentich ist
 14vb,20 so sehen wir welhiv vraevde gvot od' vbel
 14vb,21 ist . daz wir vns vor d' vbelen hvten . vnt

14vb,22 die gvten vraevde gern suchen . Nv sehen
 14vb,23 wir ze m ersten von d' zergenchlich' vraevde .
 14vb,24 Den ist wol mit d' zergaenchlich' vraevde
 14vb,25 die von d' w'lt vopicheit bitrogen sint
 14vb,26 vnt wan si vmb ir liebe geworven habe-t
 14vb,27 dar vmb waerdent si gewiziget mit dem
 14vb,28 tievel in d' helle . Div vraevde ist drivalentich .
 14vb,29 d' sich die vbelen vraewent . ze m ersten daz
 14vb,30 si zergaenchliches gvot niezzent . ze m anderem
 14vb,31 male von dem rvome ir namen .
 14vb,32 ze m drittem male . von ir vbeltet . Ze m
 14vb,33 ersten vraevt sich die vbelen von dem
 14vb,34 zergaenchlichem gvote . wan si des got
 14vb,35 nicht danchent von dem si iz habent .
 14vb,36 vnt waent daz si iz von ir gewalte haben
 14vb,37 Die getrvwent an ir chrefften vn rvoment
 14vb,38 sich ir richtvomes . Er w' tvmb der
 14vb,39 wol wesse daz sin hvos v'brinnen solde
 14vb,40 unt iz doch pezerte als er imm' dr inne
 14vb,41 sein solde . also tvoent die vbeln die ze allen
 14vb,42 citen shazzent als si imm' leben svlen .
 14vb,43 so doch si vnt div w'lt zergaenchlich
 14vb,44 si . Da von spricht sant Iohs . "Minnet die

15ra,1 w'lt nicht noch allez daz in d' w'lt ist ."
 15ra,2 Paulus "Dis' w'lt gelichnvsh ist zergenchlich"
 15ra,3 D' iungist tach chvmt geslichen als ein
 15ra,4 divp . an dem tage elliv geshephede gechrenchet
 15ra,5 wirt . vnt div w'lt vnt allez daz in d'
 15ra,6 w'lt ist v'brennet wirt . Also sint ovch zergenchlich
 15ra,7 die daz zergaenchlich gvot minnent .
 15ra,8 Iob . "Si habent . den sumber vnt die
 15ra,9 herphen . vnt vraewent sich von dem seitspil .
 15ra,10 vnt endent die tage in senphtem
 15ra,11 leben . Ze dem anderem male vraewe-t
 15ra,12 si sich ir hohes namen ." Si w'vent dar
 15ra,13 nach daz man si ere . Salo . "Dv d' riche
 15ra,14 ret do wart ein grozziv stille vnt stigen
 15ra,15 siniv wor vf zv den livften ." Do d' arme
 15ra,16 ret . da sprach man "w' ist d' ." Daudid .
 15ra,17 "Si gaben in namen bi ir tagen . Si
 15ra,18 wellent hie geerent w'den vnt nicht in
 15ra,19 dem himel ." Sw' ze einem mennish sprech
 15ra,20 "wil dv daz man dinen nam an diz pvoch
 15ra,21 shribe . vnt wiz daz dv imm' vnselich
 15ra,22 bist vnt arm" er w' tvmb ob er sin gestatet .
 15ra,23 Daz bvoch bidivtet die z'gaenchlich

15ra,24 ere ab dem d' mennish geshaben wirt
 15ra,25 so man in dar an geschribet . Ieremias sprichet .
 15ra,26 "H'regot . alle die dich v'lazzen die
 15ra,27 w'den geshentet die von dir ertrinnen
 15ra,28 die w'den vf die erde geshriben vnt nicht
 15ra,29 an dem lebentige- bvoche ." Secht wie div
 15ra,30 hohevert den hohv'tigen sheidet von den
 15ra,31 divmotigen vnt gesellet in zv den tieveln .
 15ra,32 ze dem drittem male vraewent
 15ra,33 si sich ir vbeltet . Von den sprichet Salo .
 15ra,34 "Si vraewent sich so si vobel tvoent vnt
 15ra,35 rvoment sich d' wirsten dinge ." Die sich
 15ra,36 ir vbel vraewent . die erzeigent daz si
 15ra,37 des tievels chinde sint . Iohel . propheta sprichet
 15ra,38 "D' tivvel ist iw' vat' . Als daz chint dem
 15ra,39 vat' volget also volget d' sund' dem tievel ."
 15ra,40 Von den ist gesprochen . Mit ir vobel
 15ra,41 habent si ir chvnch gevraevt . D' vbelen
 15ra,42 chunch ist d' tiwel . Iob sprichet . Er ist ein
 15ra,43 chunch vb' alle die hofertich sint . Vnt
 15ra,44 als d' chunch vbel wil . also wellent elliv

15rb,1 siniv gelid' . Si vraewent sich hie ir
 15rb,2 vbel vnt w'dent gewiziget mit
 15rb,3 dem tievel . Iacobus . "Iw' gelecht' wirt
 15rb,4 chlaeglich . vnt iw' vraevde wirt
 15rb,5 ze weinen ." Div andere vraevde . ist
 15rb,6 geistlich . Div geistlich vraevde stet
 15rb,7 an drin dingen . An rechtem leben .
 15rb,8 An d' mart' . An d' chivsh . Von den
 15rb,9 die da recht lebent . sprechent die
 15rb,10 v'dampfen an dem iungiste- tage
 15rb,11 "Daz sint die d' wir gespottet habe- .
 15rb,12 vnt in ir leben geitwizzet haben ."
 15rb,13 Nv secht wie si genozzet sint den
 15rb,14 goteschinden . vnt den heiligen gesellet .
 15rb,15 Div geistlich vraevde ist ovch an
 15rb,16 der mart' . wan die mart' gotes vuezsporn
 15rb,17 gevolget habent . si wrden
 15rb,18 gesteinert gezert . vnt mit den sw'ten
 15rb,19 ze tode erslagen . daz si da wider
 15rb,20 nie nicht gereten . sam daz lamp
 15rb,21 daz man toetet . Also wil vns' h'regot
 15rb,22 wan er sprichet . "Ir mvozzet in d' w'lt
 15rb,23 durch mich angest liden ." Si sehent
 15rb,24 an ir orthaben iesu- christu- d' mit vraevden
 15rb,25 selbe sin chrivze trvoch . vnt nv
 15rb,26 richt' ist vb' lebentige vnt vb' tote

15rb,27 Die mart'ere dvlten manige mart'
 15rb,28 Nv v'nemt ir lon . daz si von got dar
 15rb,29 vmb enphahent . Dehein stimme vnt
 15rb,30 dehein zvnge volendet nicht daz lon
 15rb,31 daz in got geit . Div chivshe bidivtet
 15rb,32 himelishes leben . Er lebt engelishen
 15rb,33 nicht mennishlichen d' sinen leip
 15rb,34 chivshlichen behaltaet . Div chivsh
 15rb,35 volget got vord'lichen vor all' selicheit .
 15rb,36 Nv secht wie groz d' chivsh reincheit
 15rb,37 ist . da von ob wir nicht gar
 15rb,38 chivsh mvgen beliben so bereit
 15rb,39 wir doch vnseriv liechtvaz cu- sapientibus
 15rb,40 uriginibus . da mit wir gotes
 15rb,41 chvnft biten mit gyten w'chen .
 15rb,42 Wan div geistelich vraevde vns hin z
 15rb,43 got leitet dar vmbe . spricht sant
 15rb,44 paulus . "Vraevt ivch ellichen in got ."

15va,1 Div dritte vraevde ist himelish .
 15va,2 da von sich die rechten drivaltichleichen
 15va,3 vrevvent . Des ersten .
 15va,4 daz si d' engel gnoz w'dent die ir
 15va,5 hie gehvtet habent . Daz andere
 15va,6 daz si gotes tavgen v'stent . d' si hie
 15va,7 nicht wessen . Daz dritte daz si got
 15va,8 leiplichen sehent den si hie geminnet
 15va,9 habent . Div erste vraevde
 15va,10 ist groz . daz wir d' engel genoz w'den .
 15va,11 Iz waer einem armen mennish
 15va,12 ein groziv ere . daz er eines vuorsten
 15va,13 genoz wrde daz sin armvot
 15va,14 da von geringet wrde . Der mennish
 15va,15 ist arm vnt chranch . Iob . "ist waz
 15va,16 d' mennish nivvan ein vivvle vnt
 15va,17 ein wrm ." Daudid . "Ich bin ein wrm
 15va,18 vnt nicht ein mennish ." D' mennish
 15va,19 wirt hohe geeret d' ein vivvle ist
 15va,20 vnt ein wrm . arm vnt chranch .
 15va,21 daz er d' engel genoz si d' himelische-
 15va,22 vurstun . Div anderiv vrevde ist daz
 15va,23 si gotes taugen v'stent d' si hie nicht
 15va,24 wessen . Vnt ist nicht wnd' wan
 15va,25 die hin z im himel choment die wizzen
 15va,26 elliv dinch . Swa soitaniv shvle
 15va,27 w' da ein mennish ze acinem male
 15va,28 alle chvnst gelernt er w' tvmb ob

15va,29 er in die shvele icht gienge . Also
 15va,30 ist d' himelishen shule da die heiligen
 15va,31 sel elliv dinch chvnnent so .
 15va,32 si z einem male dar in choment .
 15va,33 Ioh-s dt . "Alle die gotes sint die w'dent
 15va,34 sich v'stente ." Div dritte vraevde
 15va,35 ist daz die rechten got leiplichen
 15va,36 sehent den si hie geminnet habe-t .
 15va,37 David . "Min sel hat gedvrstet nach
 15va,38 dem lebentigem gote ." Also sol vns
 15va,39 nach im dvrsten wan er ein lebentig'
 15va,40 brunne ist . Ob etleich' brunne
 15va,41 d' tvgende w' daz nieman leben mochte
 15va,42 er en trunche . da . gewislichen
 15va,43 alle die gern lebten die chomen
 15va,44 zv dem brunne . Der lebentiger

15vb,1 brunne . daz ist christ . Wir en chomen
 15vb,2 hin z dem brunne . wir sterben . wan
 15vb,3 man daz ware leben da uindet . W'lichen
 15vb,4 wir st'ben ob wir daz leben nicht
 15vb,5 svchen . Nu secht wie gvot div himelish
 15vb,6 vraevde ist . Iz ist gvot ob wir d' engel
 15vb,7 genoz sin . Iz ist gvot ob wir elliv dinch
 15vb,8 chunnen . Iz ist gvot ob wir got sehen .
 15vb,9 Da von biten wir got daz er vns vor
 15vb,10 den ersten zergaenchlichen vraeuden
 15vb,11 behvot . vnt an den anderen vraevden
 15vb,12 gestaetige . vnt vns zv d' dritten vraevde
 15vb,13 pringe Am- .
 15vb,14 At ubi uenit plenitudo tempis . et cetera .
 15vb,15 Wir haben hivte . wie genaedichlichen
 15vb,16 vns' h'regot sich ub' uns erbarmt an dem
 15vb,17 ende d' w'lt . daz er uns leitet vz d' todlich'
 15vb,18 vinst' . Disiu wort bidivtet man also . Da
 15vb,19 div ganz zit chom . do sant vns got sinen
 15vb,20 sun . An disin Worten merchet man zewaei
 15vb,21 dinch . Die ganzen zit . vnt daz
 15vb,22 vns got sinen sun sant . Des zites genze
 15vb,23 ist drivaltich . Div genz d' gnaden . vnt div
 15vb,24 genz d' wissagynge . vnt d' sunten . Div
 15vb,25 genz d' gnaden ist got selbe die in dise
 15vb,26 w'lt chomen ist daz er die suntere heile .
 15vb,27 Iz zimt wol . daz d' gotessun mennisheit
 15vb,28 enphieng . vnt den mennish erloest daz
 15vb,29 er nicht tet an die ganze gnade . So die
 15vb,30 hohen vuorsten . in vraendiv lant varent
 15vb,31 so unerent si grozen richtvm mit im .

15vb,32 Also tet d' gotessun . da er in dise w'lt chom .
 15vb,33 von himelrich . do bracht er grozen richtvom
 15vb,34 mit im . daz was div ganziv gnade . Daud dt .
 15vb,35 "Ere vnt richtum ist in sinem hvose ." also
 15vb,36 bracht uns d' gotessun die ganze gnade .
 15vb,37 Ob ein vaz volles goldes were . der tvgende
 15vb,38 were . so man ie m' dr voz nem . so des
 15vb,39 goldes ie m' w'de vnt wosh daz wer ein
 15vb,40 saeltsaein vaz . w'lichen also ist d' gotessun
 15vb,41 ein saeltsaein vaz . d' von angenge d'
 15vb,42 w'lt den seligen sine gnade hat gegeben
 15vb,43 vnt hivte geit vnt imm' ze geben hat
 15vb,44 an gepresten . So sprichest dv leicht . "War v-be

16ra,1 chom er mit so grozzem richtvom . Daz er
 16ra,2 den arm rich machet ." Der mennish waz
 16ra,3 von zwein dingen arm . Des ersten daz
 16ra,4 er vz dem pardys was getriben . da er sin
 16ra,5 rechtez erbe v'los . Die armvot benam
 16ra,6 im der gotessvn . da er mensch wart .
 16ra,7 Vnt die menscheit ze martern gab daz
 16ra,8 er vns daz verlorn herbe wider braecht
 16ra,9 mit grozaem erbe . mit de- himelischen
 16ra,10 paradys . Ze dem anderm mal wirt d'
 16ra,11 mensch arm von todlichen svnden . von
 16ra,12 den der mensch berovbet wirt . Div svnde
 16ra,13 gelichet sich dem rovb'e . wan si den
 16ra,14 menschen rovbet . Iob dt . "Dive svnt si-t
 16ra,15 her ze mir chomen sam di rovbere .
 16ra,16 vnt habent in einem weg dvrch mich
 16ra,17 gemacht ." Die rovb'e sint die svnte . wan
 16ra,18 si den me-nish sin' eren berovbent . Daud dt .
 16ra,19 "h'regot chwmm vns shier ze hilfpe wan
 16ra,20 wir gar arm Worten sin ." Nv haben wir
 16ra,21 die ganze gnade . Nu merchen wir ovch
 16ra,22 die genze d' wissagvnge . wan d' gotessvn
 16ra,23 nach ir all' geheizze in dise w'lt chovm .
 16ra,24 daz die wissagen warhaft beliben . Ob
 16ra,25 etlich vuorst sinen boten in ein vraemdes
 16ra,26 lant sande daz si den livten sine chvumft
 16ra,27 seiten . ez were dem boten vnt ovch dem
 16ra,28 chunige ein itwiz . ob er nicht chome .
 16ra,29 Des obersten cheisers sun . sant sine boten
 16ra,30 die wissagen . die alle w'lt sin' chivmft
 16ra,31 gewis machte . Vnt wie choem er nicht
 16ra,32 wie gelovbet man sinen boten nicht die
 16ra,33 sine chivmft so w'lichen habent geseit .

16ra,34 Si habent geseit wie er in die w'lt chomen
 16ra,35 solde . vnt wid' dar vz sheiden solde
 16ra,36 vnt daz er arm' chomen solde . daz er grozze
 16ra,37 itwiz vnt marter leiden solde . Nv secht
 16ra,38 wie manch shoenez vrchwnde die wissagen
 16ra,39 von im geseit habent . Also enphie
 16ra,40 got die mensheit . daz die wissagen icht
 16ra,41 vnwarhaft wrden vunden . Got sprichet
 16ra,42 selbe . "Secht ich bin chomen daz ich mit
 16ra,43 d' waerheit ervolle swaz e von mir
 16ra,44 geseit ist ." Nu haben wir die gaenze

16rb,1 d' wissagen . nu m'chen wir ovch daz
 16rb,2 dritte . die genze d' sunte . Vor gotes
 16rb,3 chivmfte . sivnten aelliv livte
 16rb,4 gemeilich . Di vursten waren unrecht
 16rb,5 vnt richten unrecht vnt erzvornt
 16rb,6 got . Von den sprichet ysaia . "Iwer
 16rb,7 vursten sint vngetriw vnt sint
 16rb,8 d' diebe gesellen ." si minnent die
 16rb,9 gabe vnt richten den weisen nicht
 16rb,10 noch den witwen . Da von drot in
 16rb,11 got vnt sprichet . "Ich wird getroest
 16rb,12 vf minen vinten vnt wird an in
 16rb,13 gerochen ." Nu secht wie unrecht
 16rb,14 die vursten waren . Die ewart
 16rb,15 waren ovch so gar unrecht daz in
 16rb,16 got selbe drot p Malachia- propham
 16rb,17 ut sprichet "Ich han nicht decheinen
 16rb,18 willen hin z iv vnt wil daz opher
 16rb,19 von iv nicht enphahen ." I'emias sprichet .
 16rb,20 "Div sunde ist ersprungen von
 16rb,21 den ewarten vf d' erde . wan si div
 16rb,22 livte wirsten mit posem pilde
 16rb,23 Die untetan heten ovch gesuntet ."
 16rb,24 Osee dt . "horet gotes wort . elliv
 16rb,25 livte got wil mit . iv sin gericht haben .
 16rb,26 harheit . vnt barmvnge . vnt
 16rb,27 gotes minne ist nind' unt' iv . vlvochen
 16rb,28 vnt lvg . vnt dieve . vnt manslacht .
 16rb,29 vnt hvoer ist vnd' iv erstanden .
 16rb,30 Secht wie elliv livte vor gotes
 16rb,31 chumft gesundet heten . vnt
 16rb,32 wolt got daz bi vnseren ziten nieman
 16rb,33 gesundet het . Do chom der
 16rb,34 gotessun . daz er vns' sunden wnde
 16rb,35 heilet ." Paulus dt . "Wir haben alle gesundet
 16rb,36 vnt bidurffen d' gotesgnaden .

16rb,37 daz ist div genz vnt div grozze
 16rb,38 d' sunden ." Nv sehen wir daz andere
 16rb,39 daz vns got sinen sun sande . Wie
 16rb,40 sand er in\&con Ze einem vorvechtere .
 16rb,41 y-s dt . "Got sendet iv einen vorvechter
 16rb,42 vnt einen heilant d' ivch erloset ."
 16rb,43 D' heilant vnt d' voruechter .
 16rb,44 ist iesus christvs d' vmb vns vacht mit

16va,1 dem tivvel . daz er vns vns' erbe
 16va,2 wid' brecht . D' goteschamf . was
 16va,3 drivalentich . Arbeitsam . listichlich .
 16va,4 vnt ersam . Daz d' chamf arbeitsam
 16va,5 was daz bewaeret Iohs et dicit
 16va,6 "Got truoch sin selbes chrivce an
 16va,7 die stat da er gemartert wart ."
 16va,8 Was d' chamf nicht arbeitsam da
 16va,9 er dar chrivce het vur den shilt
 16va,10 vnt die negel vur daz geshoez .
 16va,11 Vnt suvi d' champh arbeitsam wer
 16va,12 do d' tievel den shinlt sach do wart
 16va,13 er vluchtich . Et n- miru- wan
 16va,14 so man grozer uursten vane in dem
 16va,15 strite sicht da vurchtent in die vinte .
 16va,16 vnt war umbe vorcht im d' tievel
 16va,17 nicht da er des ob'sten vursten
 16va,18 zeichen sach daz er mit sinem blvot
 16va,19 geroetet hete . Wir wizzen wol
 16va,20 daz alle tievel aeinez chrivce vlihent
 16va,21 Gotes champh was ovch listichleih . wan
 16va,22 er des tievels listen an gesigete .
 16va,23 Er leit im d' mensheit choerder da
 16va,24 d' gotheit angel inne v'porgen
 16va,25 was . Do betracht d' tievel aleine
 16va,26 die mensheit . den hung' . den durst .
 16va,27 den vrost die hize vnt and' arbeit
 16va,28 vnt wart gevangen . von dem angel
 16va,29 d' gotheit . Gotes champh was
 16va,30 ovch ersam . wan in an sin' vofvert
 16va,31 d' rechten menige hin z himel volgete .
 16va,32 Er were nicht luzel vro der
 16va,33 manich iar in einem vinsterem
 16va,34 charchere gelegen waer vnt die
 16va,35 botshapft horte daz er ledich solde
 16va,36 w'den . Also heten die rechten grozze
 16va,37 vrvide daz si gotes chvmft v'namen .
 16va,38 daz er si erlost . wan si mer

16va,39 den vivf tvosent iar waren gevangen .
 16va,40 Da von rvoften si . “Dv bist
 16va,41 chom- des wir ie gegert haben .
 16va,42 vnt in d’ vinst’ haben gebiten .”
 16va,43 Nv sulen ovch wir got biten . daz
 16va,44 er vns sin santvnge also in vns’

 16vb,1 h’ce sench daz wir ir nicht v’gezzen AM-
 16vb,2 Renovamini
 16vb,3 in nouitate sensus ur-i . et cetera .
 16vb,4 Mit disen Worten ist vns geraten .
 16vb,5 daz wir recht vnt staete sinne haben .
 16vb,6 daz wir wizzen welh’ d’ ganze vnt
 16vb,7 d’ gvte gotes wille si . Disiv wort sint
 16vb,8 gesprochen nach sumelich’ gewonheit
 16vb,9 die ir gar altes gewant hin w’ffent
 16vb,10 vnt niwez an legent . Daz alte gewant
 16vb,11 ist todlich unde . div so vngenem ist
 16vb,12 daz si den mensh alte vnt chranch machet
 16vb,13 also verre . daz die sundere die an
 16vb,14 rivwe tot sint . des todes gernt in d’ helle
 16vb,15 vnt in nicht vident . Nu secht wie
 16vb,16 alt die sunden den mensh machent also
 16vb,17 daz er in d’ helle nicht sterben mach .
 16vb,18 Quare\&con Da hat er hie gelebt daz er
 16vb,19 sundet . so mvoz er in d’ helle inm’ leben .
 16vb,20 daz er imm’ st’be . Got hat den mensh
 16vb,21 gezieret . er hat au’ sich selben geswaechet
 16vb,22 Da von was dem mensh an der stvnde hilffe
 16vb,23 durft . Nu merchet daz ein islich vaz drivalentlichen
 16vb,24 bereit wirt . mit d’ hant .
 16vb,25 mit dem hamm’ . mit dem atem . Also
 16vb,26 itniwaet vns’ h’regot swelhe er wir
 16vb,27 als ein gvt maist’ . eteswaenne
 16vb,28 mit d’ hant als ein haven’ . mit d’ bredige .
 16vb,29 Gotes havenere sint die bredigere
 16vb,30 die die suntere sterchent mit dem
 16vb,31 goteswort . Sant paulus spricht von den
 16vb,32 bredigern . “Man shiltet vns . man echtet
 16vb,33 vns” D’ haven’ ist arm also ist der
 16vb,34 bredig’ . Der haven’ leit die erde vf die
 16vb,35 sheibe . also tvet d’ bredig’ d’ leit sunter
 16vb,36 vf die shieben der vz d’ erden worden ist .
 16vb,37 Div erde ist chranch . also ist d’ sund’ .
 16vb,38 D’ haven’ chert die sheiben vmbe mit
 16vb,39 den vivezzen . also tvoet d’ bredig’ die
 16vb,40 shiben des goteswortes . Div shibe bidivtet
 16vb,41 die bredige . von d’ drei stimbe

16vb,42 gen sulen . Div shiezzente . Div pittente .
 16vb,43 Div refsente . Nach
 16vb,44 dreir slacht liute siten . Sumeliche

 17ra,1 liute sint steinen . die man shiezzen
 17ra,2 sol mit herten Worten . Sumeliche
 17ra,3 liute sint hert als d' adamas . Von den
 17ra,4 spriche zacharias . "Ir h'ce ist hert als der
 17ra,5 stein Adamas da uon mugen si gotes
 17ra,6 e . unt siniv wort nicht v'nemen ." Die
 17ra,7 selben sol man bieten . vnt von ir sunden
 17ra,8 richten mit gvoten Worten . Sumeliche
 17ra,9 sint sam si hvlzin sin . die bezert
 17ra,10 man lichte mit d' bredige . Nu merchet
 17ra,11 daz man sumelichiv vaz shephet
 17ra,12 mit dem atem . als elliv glezeiniv vaz .
 17ra,13 An dem liechtem vnt an dem lvotere-
 17ra,14 glaz . bidivtet man rechtez leben .
 17ra,15 Rechtez leben stet an drin dingen . An
 17ra,16 des gelustes smacheit . An d' barmunge
 17ra,17 liebe . An d' sunden rivwe . Von den
 17ra,18 drin dingen sprach d' engel ze sant Tobia .
 17ra,19 "Da dv din imbiz lieze vnt die toetent
 17ra,20 heimelichen bestatest da bracht dich
 17ra,21 got din gebet ." Bi dem imbiz m'chet
 17ra,22 man den gelust den man vlihen sol
 17ra,23 wan er den mensh toetet . Sw' ze eine- .
 17ra,24 mensh spraeche . sizze zv dem tische vnt
 17ra,25 hab alle wirtshapft vnt so dv gezzen
 17ra,26 habest so ualle in den wallenten chezzel .
 17ra,27 d' imbiz w' gar schedlich . Also ersleicht
 17ra,28 d' gelust alle die im volgent . Paulus
 17ra,29 dt . "lebt ir nach iwaerem geluste
 17ra,30 so seit ir toet ." Rechtez leben merchet
 17ra,31 man da bi ovch . daz d' engel sprach ad tobiam .
 17ra,32 von d' barmunge liebe . Da dv
 17ra,33 die toten baestatest . Die toten die
 17ra,34 man bistatet . bidivtent totiv w'ch . div
 17ra,35 man bistaten . sol . wan si sere smeche-t
 17ra,36 Iohel propheta dicit . Daz vihe ist in sin
 17ra,37 selbes miste ervovlet . Daz vihe bidivtet
 17ra,38 den sund' d' in sinen sunden erstunchent
 17ra,39 ist . Secht wie man totiv w'ch
 17ra,40 bigraben sol . Sed vbi\&con In dem grabe
 17ra,41 d' beichte . Rechtez leben ist ovch an
 17ra,42 d' sunden rivwe . daz man da bi m'chet
 17ra,43 da d' engel sprach ad tobiam . "Da dv got

17ra,44 mit Zehern bet . da bracht ich
17rb,1 im din gebet .” Die zeher reinigent
17rb,2 den sund’ . Si reinigten sant
17rb,3 pet’ . do er waeit dar nach vnt er
17rb,4 got v’lovget hete . Die Zeher gelichent
17rb,5 sich d’ gvsse . div vaste ze
17rb,6 tal lovffet vnt die steine mit
17rb,7 ir vuert also tvent die Zeher
17rb,8 die die sunde mit in vurent .
17rb,9 Sumelichiv vaz machet man
17rb,10 mit dem hamm’ . Daz vaz ist des
17rb,11 menshen h’ce . daz ze allen ziten
17rb,12 rein sol sin . Zv d’ raeinicheit bidarf
17rb,13 man wol haemm’ vnt smide
17rb,14 wan daz vaz ze sinem volle- nicht
17rb,15 chom- mach niwan mit manigem
17rb,16 hamm’slage . also ist dem
17rb,17 mennish durft d’ gotes vaz ist
17rb,18 daz er mit manigen noeten zv
17rb,19 gotes riche chovm . Paulus dt . “Wir
17rb,20 mvozen mit manigen noeten
17rb,21 in gotes rich chovmen . Wir sulen
17rb,22 die w’ltliche not gedultichlichen
17rb,23 tragen ob wir iz v’dienet haben .”
17rb,24 Paulus . “Wir haben alle gesuntet
17rb,25 vnt bidurffen d’ gotesgnaden
17rb,26 wol .” Iohs dt . “Sprechen wir daz wir
17rb,27 nicht gesuntet haben si bitrigen
17rb,28 wir vns selben vnt sin vnwarft .”
17rb,29 Wir suln d’ w’lt geisel g’n
17rb,30 tragen wan wir sundere sin .
17rb,31 Wir sulen dultichlichen v’tragen
17rb,32 wan wir des lones
17rb,33 geuiss sin . Iz nement
17rb,34 sumelich hohe gabe von w’ltlichen
17rb,35 vurstē . vnt mvgen si doch
17rb,36 imm’ nicht behalten . wan si
17rb,37 v’liesent si . etwaen von vngelvke .
17rb,38 vnt ovch daz si st’ben . So geit
17rb,39 iesus christus sin gab nicht . wan
17rb,40 er daz ewige leben geit daz nimm’
17rb,41 zerget . Dn-s dt in ewo . “Minen
17rb,42 shaphen gib ich daz ewige leben .
17rb,43 vnt mag mir s nieman binemen .”
17rb,44 Nv wan wir vns selben beswaechet

17va,1 haben mit den sunden . so bitten
 17va,2 wir vns'n h'n iesu- christu- daz er vns
 17va,3 wid' bringe mit rechtem leben
 17va,4 vnt mit staeten sin AmeN .
 17va,5 "IN tribulatione
 17va,6 pacientes . suple sitis ." Vns leret
 17va,7 san paulus mit disen Worten daz
 17va,8 vvir gedultich sin . an den noten .
 17va,9 vnt sprichet "Seit gedultich an den
 17va,10 noten ." Chechiv livte vnt rehtiv
 17va,11 sint gedultich an den noeten . vnt
 17va,12 leident g'n die arbeit durch got .
 17va,13 Sant paulus het durch got vil arbait
 17va,14 erliten da uon sprichet er von im
 17va,15 selbem . "Ich bin dri stvnt . an geslagen
 17va,16 vnt ze einem male gesteinert
 17va,17 vnt dri stunt shepfprvostich worden
 17va,18 durch gotes willen ." Vnt wan er
 17va,19 solhe not erliten hat . so lert er
 17va,20 vns wol als ein warhafter maeist'
 17va,21 swaen er sprichet . "seit gedultich in
 17va,22 den noeten ." Die not die wir leiden
 17va,23 div ist drivalentich . Wir liden
 17va,24 not von vnserem libe . von dem
 17va,25 tievel . von d' w'lt . Von unserem
 17va,26 libe leiden wir grozze not . Des leibes
 17va,27 geluost chvmt etswaen gewaltichlichen
 17va,28 als ein rovb' . D' rovb' rovbet
 17va,29 gewaltichlichen . also tvoet des
 17va,30 mennishn zorn d' dem mennishke
 17va,31 gewaltichlichen binint sin selbes
 17va,32 tvgent vnt die gnade
 17va,33 die er von got hat .
 17va,34 Nu secht wie gewaltichlichen der
 17va,35 zorn den mensh an vichtet an ein
 17va,36 rovb' . Des leibes gelvst ersleicht
 17va,37 ovch den mensh eteswen als d' leitkebe
 17va,38 d' den gast trunken machet
 17va,39 Da von ist gesprochen . Vz dem gvoldinien
 17va,40 pecher d' sanden habent div
 17va,41 livte getrunchen vnt sint trunchen
 17va,42 Worten . Div shant bidivt .
 17va,43 die w'lt wan sw' in volget d' wirt
 17va,44 aewichlichen geshenden . Div shande

 17vb,1 hat einem guldin bech' daz ist div
 17vb,2 vrazheit . Daz golt ziret den bech' vzen
 17vb,3 also machet div vrazheit den sunder

17vb,4 irntalbe vaeizt . Daz chalp daz man
 17vb,5 shier slahen wil daz mestet man vf
 17vb,6 ein' grun' haeide . also mestet sich d' sund'
 17vb,7 svvaen er d' vrazheit vnt hures gelvst
 17vb,8 dienet vnz in d' tievel betoeret . Der
 17vb,9 bech' da got die sundere vz trenchet
 17vb,10 da ist swaebel inne vnt bech . D' win
 17vb,11 machet die undiv wan er brinnet
 17vb,12 vnt stinchet . Des leibes gelust chvomt
 17vb,13 ofte vngetrivlichen als d' shach' d' siniv
 17vb,14 nez gespa-nen hat . In den nezze w'dent
 17vb,15 die sundere gefangen . Div nezze sint
 17vb,16 d' vobrige gedinge . vnt langes lebens
 17vb,17 wan . Iedoch w'dent si ofte snaelle enzvochet .
 17vb,18 Nu secht wie grozze not wir leiden
 17vb,19 von dem libe idoch suln wir gedultich
 17vb,20 sin . vnt wizzich daz wir icht
 17vb,21 vnd'geligen Paulus dicit . "Nemt den
 17vb,22 gotesshilt vnt shermt ivch d' mit daz
 17vb,23 iv des tievels vivwreiniv geshoz icht
 17vb,24 shaden ." Wir liden ovch not von dem tievel .
 17vb,25 mit trugenlich' v'suchvnge . Der
 17vb,26 tievel vichtet mit dem sundere als
 17vb,27 aein lewe . Petrvs dicit . "sit chivsh . vnt wachet
 17vb,28 vnt petet . wan iuch iwer vint
 17vb,29 d' tievel als ein ginnaend' lewe suchet
 17vb,30 daz er ivch slich ." Man seit daz d' lewe
 17vb,31 einen rinch mache vmb div tier swaen
 17vb,32 in hunger mit sinem zagel . vz dem ringe
 17vb,33 getar dechein tier chom- . so nimt
 17vb,34 er dar nach swaelhes er wil . D' levve ist
 17vb,35 d' tievel . div tier die sundere die d' tievel
 17vb,36 mit manig' suchunge bestrichet . Iob
 17vb,37 dicit de dyablo . "Ich han die w'lt ersuchet
 17vb,38 vnt durchgangen ." Secht wie ein wit' .
 17vb,39 rinch . Z em erstem chumt d' gedanch
 17vb,40 dar nach d' gelust . dar nach div v'hanchnvosh .
 17vb,41 dar nach div taete . dar nach d' svnden
 17vb,42 emzicheit . dar nach div v'zwivelunge .
 17vb,43 dar nach d' ewige tot . Ia wie
 17vb,44 ein vnseelig' rinch . In den rinch get der

18ra,1 tievel hungtig' nach d' sel . unt vrizzet
 18ra,2 si mit sinen zenden . Iz sint dri zende
 18ra,3 die die suntige sel vrazzent . Der erste
 18ra,4 zant ist div vorchte . So groziv vorchte ist
 18ra,5 an den tieveln da si z wol vurchten mvogen

18ra,6 die si an sehent . Ob alle die nater
 18ra,7 vnt die wrme . die in d' w'lt sint in eine-
 18ra,8 vinstere- charch' waeren vnt daz man
 18ra,9 einen v'dampfen mennish dar in worf .
 18ra,10 solt im d' nicht vurchten\&con Triwen div
 18ra,11 ein vorchte moech in toeten . Owe waz
 18ra,12 er vorchten hat den man in d' helle charcher
 18ra,13 wirffet . D' and' zant ist d' tievel
 18ra,14 spot . Iz wer einem gevangem gar swaer
 18ra,15 ob sin sin vint spotet . W'lich d' tievel
 18ra,16 spot ist groz ob d' sel . I'emias . "Alle die den
 18ra,17 wech giegen die salloten mit ir henden
 18ra,18 vnt wisploten . vnt wegten ir
 18ra,19 hovbet . Alle mine vint shrieren ob mir
 18ra,20 vnt grisgramten mit ir zenden . vnt
 18ra,21 iahen si wolten mich vrezzen ." Von
 18ra,22 dem spotte bittet sich d' heilige propheta
 18ra,23 dauid erloeset w'den . vnt spricht . "herre
 18ra,24 got ich enphilhe dir mine sel hilffe
 18ra,25 mir daz min mine viente icht spotten ."
 18ra,26 Der dritte zant ist d' tievel vobell .
 18ra,27 d' est groz . wan er die suntere ewichlichen
 18ra,28 toetet . Ob ein mensh in einem
 18ra,29 lande waer so gewaltig' daz er elliv livte
 18ra,30 ersluge swar er chome alle die
 18ra,31 gern lebten die fluohen . D' tievel hat
 18ra,32 den gewalt daz er die sundere ze allen
 18ra,33 ziten erslahe . vnt wan si im nicht
 18ra,34 entrinnen mugen so toet er si ze allen
 18ra,35 ziten . Iohel propheta . "Er hat sherphe zende
 18ra,36 als d' lewe wan als d' hungerig' lewe
 18ra,37 dehaenem tiere entleibet . also entleibet
 18ra,38 d' tievel dechein' sel ." Mit dem zande
 18ra,39 w'dent ertoetet alle die in hovftaphtigen
 18ra,40 sunden v'varent . Iohs apo-c . "Ich
 18ra,41 sach den engel sten in d' sunne vnt
 18ra,42 rvoft allen vogeln vnt sprach . Seit geladen
 18ra,43 zv des hohen gotes tische . vnt ezzet
 18ra,44 d' chunige v'lacsh vn d' vurstun . vnt

18rb,1 d' gewaltigen . die gewaltichliche-
 18rb,2 sundent . vnt ezzet daz vleizh der
 18rb,3 huergelustigen . vnt d' vrigen vnt
 18rb,4 d' chnechte vnt chlein' . vnt grozzer"
 18rb,5 Daz ezzen bidivtet die sundere .
 18rb,6 die vogel sint die tievel . die der
 18rb,7 svndere vleish ewichlichen zernt .
 18rb,8 Nu merchet die not die d' tievel

18rb,9 den sunderen tuoet . Wir leiden ovch
 18rb,10 not vor w'lt . Div w'lt mvoet vns
 18rb,11 driualtichlichen . Des ersten mit
 18rb,12 d' armvot . Wan si uns mit ir gewalt
 18rb,13 ermt vnt binimt vns swaeiz vnt
 18rb,14 bluot . Daz sulen wir gedultichlichen
 18rb,15 tragen . wan got selbe arm
 18rb,16 was . man want in in die wintel
 18rb,17 vnt leit in in die chrippe dv er
 18rb,18 geborn wart . Wir sulen die armvot
 18rb,19 gedultichlichen tragen .
 18rb,20 wan ob wir waenich haben so antwrten
 18rb,21 wir got dest minner .
 18rb,22 haben wir vil wir antwrten
 18rb,23 im dest mer . Gregorius . "Dem man
 18rb,24 vil enphilhet an dem vord't man
 18rb,25 vil ." Div w'lt angest vns ovch mit
 18rb,26 d' arbeit . dar zv sin ovch wir geborn .
 18rb,27 Iob . "D' mennish ist geborn
 18rb,28 zv d' arbeit d' volgel zv dem vlvge ."
 18rb,29 Ob au' wir d' arbeit nicht entrinnen
 18rb,30 mugen . so arbeiten
 18rb,31 also daz wir da icht arbeiten mvozen
 18rb,32 da div arbeit dechein ent
 18rb,33 hat . David . "D' sunt' arbeit ewichlichen
 18rb,34 vnt lebt doch an daz ende"
 18rb,35 Div w'lt mvoet vns ovch also daz
 18rb,36 si vns martert . Die marter sol
 18rb,37 man nicht vuorchten . Euv%M . "Vurchtet
 18rb,38 in nicht die den lip toeten ."
 18rb,39 W'lich man sol die mart' nicht
 18rb,40 vurchten . wan got selbe vmb
 18rb,41 vns gemartert ist . Vnt wan
 18rb,42 div gedulticheit vns allen dvrrft
 18rb,43 ist so biten wir got daz wir mit
 18rb,44 d' waren gedulticheit daz ewige
 18rb,45 leben besizen AM- .

18va,1 PRouidentes bona non solu-
 18va,2 coram deo set et cora- o-ibus ho-ibus .
 18va,3 Disiv wort ratent vns daz wir
 18va,4 vns rechter werch vleizzen vor
 18va,5 got unt vor allen liuten . Vor got
 18va,6 sulen wir gvtiv w'ch w'chen von
 18va,7 drin sachen Des ersten daz wir erzeigen
 18va,8 ob wir got vurchten . dar
 18va,9 nach daz wir d' helle enphliehen

18va,10 Ze dem drittem daz wir daz ewige lone
 18va,11 enphahen . Wir suln gvtiv w'ch
 18va,12 w'chn daz wir got erzeigen
 18va,13 ob wir in vurchten . Div gotesvorchte
 18va,14 ist groz Si machet den
 18va,15 mensh wis . David . "Gotesvorcht
 18va,16 ist ein angenge d' wisheit .
 18va,17 Vurchtet got ob ir welt
 18va,18 wis sin . Div wariv wisheit div
 18va,19 von gotesvorchten chumt div
 18va,20 geit daz himelrich ." Wan w'ltliche
 18va,21 livte d' wisheit nicht habe-t
 18va,22 wan si zergaenchlichiv dinch
 18va,23 minnent da von sprichet man
 18va,24 von in . daz ir wisheit vor got
 18va,25 gar tvmb si . Gotesvorcht heizt
 18va,26 den mensh gvtiv dinch tvoen .
 18va,27 Salomon . "Sw' got vurchtet d'
 18va,28 tvoet gvtiv dinch ." also d' chnecht
 18va,29 d' sinen h'ren vurchtet . vlichlichen
 18va,30 arbeitet . also treibet . vns
 18va,31 div gotesvorchte dar zv daz wir
 18va,32 gvtiv dinch tvoen . Vnt wan in die
 18va,33 vbeln nicht vurchtent da von
 18va,34 mugen si nicht
 18va,35 wol getvoen . Gotesvorcht ist als
 18va,36 ein grvntveste div daz hvos vf
 18va,37 habt . Also habt div gotesvorcht
 18va,38 aelliv gvtiv dinch vf . Da von sol
 18va,39 man d' gruntvest hivten . i . timore-
 18va,40 dei . daz div gvten w'ch icht
 18va,41 z'vallen . Alle die die vorchte habe-t
 18va,42 die mangelnt d' andern vorchte
 18va,43 an dem gotesgerichte . Vnt wan
 18va,44 die vbeln die gotesvorcht nicht

 18vb,1 habent da von habent si die andere
 18vb,2 vorchte . wan daz gotesgericht vof si
 18vb,3 vellet sam d' shaow' . An dem iungistem
 18vb,4 gerichte so sendet got sin swaert vb'
 18vb,5 die vbeln . die in hie nicht vuorchten
 18vb,6 wolten . Daz gerigene . swaert hat zewaei
 18vb,7 dinch an im . den shin vnt einen
 18vb,8 chleinen shaten . Daz swert ist christ
 18vb,9 d' den rechten an sinem gerichte sine
 18vb,10 gotheit erzeiget vnt den vnrechten
 18vb,11 menshliches pilde . daz si sehen waen
 18vb,12 si v'smaehet habent . Da von suln wir

18vb,13 gytiv dinch tvoen . daz wir gotesvorcht
 18vb,14 an uns erzeigen . Wir svln ovch gvotiv
 18vb,15 dinch tuoen daz wir d' helle viwaer enphlihen .
 18vb,16 Maths . "Ein ieglich bovm sol
 18vb,17 prinnen d' nicht gvoten wch' pringet"
 18vb,18 Des vbeln bovmes wrze ist des vbeln
 18vb,19 mensh wille d' nivwan in w'tlichen
 18vb,20 dingen hat geworzet . Des vbeln bovms
 18vb,21 wch' ist d' tot ewig' D' wch' ist herwae
 18vb,22 ze ezzen . Sw' zv eine- mensh sprech
 18vb,23 sizze zv dem tishe vnt izzet da nivwan
 18vb,24 wrm w'n vnt shorpen vnt slangen
 18vb,25 des menshen ezzen waer hert . Der
 18vb,26 mensh moech wol sprechen sic- dt Iob .
 18vb,27 "W' mach daz ezzen daz den toet bringet
 18vb,28 so man iz izzet ." Also geshicht den
 18vb,29 vbelen die geworzet habent in w'tlichen
 18vb,30 dingen . d' ezzen ist in d' helle
 18vb,31 nicht niwan slangen vnt wrme
 18vb,32 Iob . "Si sugent des slangen havbet vnt
 18vb,33 pizzet si der vippern zunge ." D' bovm
 18vb,34 sol brinnen mit . den tievel vnt mit
 18vb,35 sinen gnozen . Dar vmb suln wir gytiv
 18vb,36 dinch tvoen daz wir dem viwaer
 18vb,37 enphlihen . Wir suln ovch gvotiv dinch
 18vb,38 tvoen daz wir daz ewige lon enphahen .
 18vb,39 Paulus . "V'zaget nicht vnt tvot recht
 18vb,40 wan ir daz lon doch enphahet ." Sant
 18vb,41 paulus ret einem bovman gelich . d'
 18vb,42 aellichen arbaeitet an sinem acher
 18vb,43 vnt gedultichlichen bitet vnz im
 18vb,44 d' wcher w'de . Also suln wir gytiv
 18vb,45 werch saen . in agro huius exilii .

19ra,1 daz wir an dem iungistem gerichte gvot'
 19ra,2 w'ch woch' enphahen mugen . Paulus
 19ra,3 "D' chleine saet d' nimt ovch chleinen woch"
 19ra,4 Die rechten sint saelich die uil gesaet habent
 19ra,5 wan ir snit groz wirt . Die au' waenich
 19ra,6 gesaet die habent ovch nictesnicht .
 19ra,7 Ie'mias . "Daz snit vnt daz winlesen sint
 19ra,8 beidiv vuor vnt ist vns ir beid' nicht
 19ra,9 Worten ." Wir suln ovch gytiv dinch tvoen
 19ra,10 vor den livten . daz got an vns gelobt w'de .
 19ra,11 Man gelichet daz gvot w'ch dem lichte .
 19ra,12 daz ist drivalentich . Iz ist d' st'n liecht . Salomon .
 19ra,13 "Sheinet als d' morgenst'n mitten

19ra,14 vz dem nebel .” D’ nebel ist d’ sunden stanch
 19ra,15 d’ alle w’lt vmbvangen hat . in des mitte
 19ra,16 d’ st’n liuchtet . i . bonu- opus . Guotiv
 19ra,17 w’ch gelichet man ovch dem gemachtm
 19ra,18 lichte daz in d’ vinst’ livochtet . Die vinst’
 19ra,19 bidivtet d’ sundere w’h die si irrent daz
 19ra,20 si got icht sehen . Die vinst’ erlivochtet
 19ra,21 guotiv w’ch . Gvotiv w’ch gelichet man ovch
 19ra,22 dem vivwer . Daz viwaer swaentet daz
 19ra,23 holz vnt macht iz ze ashen . Also swaent
 19ra,24 daz guot w’ch die sunden . Dar umb w’chn
 19ra,25 wir gvotiv w’ch vor den livten . daz got
 19ra,26 an vns w’de gelobt vnt arbaeiten also
 19ra,27 in disem leben daz wir zv dem ewige-
 19ra,28 leben chomen mvozen AMeN
 19ra,29 Plenitudo legis
 19ra,30 est dilectio . Div wort bidivtet man
 19ra,31 so . Div lieb ist d’ e volleist . An disen Worten
 19ra,32 hachtet man von d’ waren liebe div
 19ra,33 zv allen dingen gvot ist . Waellest dv der
 19ra,34 niwaen unt d’ alten e eruollen so hab
 19ra,35 die lieb . Augustinus . “Waz mag vns da geshaden
 19ra,36 da div wariv lieb ist . vnt waz
 19ra,37 mag vns da gevrumen da si nicht ist”
 19ra,38 Waellest dv chomen zv d’ ganzzen liebe
 19ra,39 so sihe an ih-m x%M . an dem dv w’lichen die
 19ra,40 ganze liebe vindest . wan er selbe
 19ra,41 div wariv minne ist . Iohs . “Got ist div
 19ra,42 minne .” Div libe ist starch . vnt hert .
 19ra,43 vnt vivwaerin . Gewislichen si ist starch
 19ra,44 Salomon . “Div lieb ist starch sam d’ toet”
 19ra,45 Wan als d’ tot dem mensh daz leben binimt .

19rb,1 also dwanch div lieb ih-m x%M
 19rb,2 daz er den tot . durch vns leid . Iohs .
 19rb,3 “Grozzer liebe hat nieman den
 19rb,4 daz ein mensh sin lip vmb sinen
 19rb,5 vrivvt geb .” Iz waz vngewonlich
 19rb,6 daz ieman vuor den and’n stuorb .
 19rb,7 Die starche liebe pracht uns ihc
 19rb,8 xc wan er willichlichen vmb vns
 19rb,9 starb . Div lieb ist ovch h’t . Salomon .
 19rb,10 Div lieb ist h’t als div helle Gotes lieb
 19rb,11 die er gen uns het was h’t als div
 19rb,12 helle . wan in dehaein des todes not
 19rb,13 von uns’r liebe gescheiden mochte
 19rb,14 alsam div helle den sunderen nicht
 19rb,15 entlibet Got leid manch arbaeit

19rb,16 Luc- . “Sin swaeiz wart vor arbeit als
 19rb,17 daz bluot .” Er leid ovch maniges sheltwort .
 19rb,18 Ze iungist leid er den tot .
 19rb,19 Idoch was sin liebe gen vns so staete .
 19rb,20 daz in daz allez von vns’r liebe nicht
 19rb,21 gescheiden mochte . Div liebe ist
 19rb,22 ovch vivwaerin . W’lich gotes lieb ist
 19rb,23 wol vwaerin wan er dar umb starb
 19rb,24 daz er uns mit d’ liebe erzvont . Secht
 19rb,25 daz ist div wariv gotesliebe die wir
 19rb,26 an saehen suln ob wir ir folgen
 19rb,27 waellen . Div gotesliebe ist starch
 19rb,28 Also sei ovch div vnsiriv starch . Div
 19rb,29 lieb sol starch sin daz wir dem tievel
 19rb,30 mugen wid’staen . d’ vns mit
 19rb,31 manig’ v’suchunge an uichtet . Der
 19rb,32 wilde baer wert des hoeniges vb’maz
 19rb,33 vnt wirt gefangen an dem hoenigigem
 19rb,34 waege . Daz hoenich ist d’ vobel
 19rb,35 geluost daz man got nicht ophert .
 19rb,36 An dem hoenige daz den vobeln gelust
 19rb,37 bidivtet vriwaet sich d’ tievel .
 19rb,38 swaen er den sunt’ mit sin’ suozze
 19rb,39 bistrichet . Des leowaen mvont stinchet
 19rb,40 unt ist bluotich uon d’ tier bluot .
 19rb,41 also geit d’ tievel des swaebels gestanh
 19rb,42 vnt des ewigen todes bluot . swaen er
 19rb,43 siv bitrivbet . Waer aein irdish’ h’re
 19rb,44 d’ gewonheit daz er sine dienere
 19rb,45 alle toetot swaen si im lange dienten .

19va,1 alle die gern lebten die vlvohen den
 19va,2 h’re . Also ist dem tievel . d’ die suntere
 19va,3 nach w’ltlichem geluste ewichlichen
 19va,4 toetet . Dar vmbe suln wir
 19va,5 starch sin an d’ warn liebe daz
 19va,6 wir des tievels sterche shenden .
 19va,7 Gotes liebe ist ovch hert . Also sol
 19va,8 ovch vns’ liebe hert sin . Div w’lt
 19va,9 notiget uns mit zergenichlicher
 19va,10 wirtshepft . vnt ist ein h’ter straet
 19va,11 Die zergaenichlich wirtshepft sint
 19va,12 an des libes gemache an dem richtvom
 19va,13 unt an dem gewalte . Von des
 19va,14 libes gemache ist gesprochen . Der
 19va,15 sinen chnecht in der chinheit
 19va,16 zartlichen zivcht d’ wirt im hin

- 19va,17 nach vil swaer . Ir ist vil die den
 19va,18 chnecht zartlichen zihent . Der
 19va,19 chnecht ist d' lip d' d' sel dienen solde
 19va,20 vnt nicht gebieten . Als daz ein groz'
 19va,21 spot waer daz ein esel sin h'ren hin
 19va,22 z marchet ritte . also ist iz ein grozzer
 19va,23 spot unt shant daz div sel dem
 19va,24 leibe diene . Die zergenchliche
 19va,25 wirtshepft sint ovch an dem richtvom .
 19va,26 Si mvoent den d' ir phleget .
 19va,27 si v'lazent in an dem tode . si sheident
 19va,28 in von dem gotesriche nach
 19va,29 dem tode . W'lichen d' richtuom mvvet
 19va,30 den mensh . Got gelichet den richtvom
 19va,31 dem dorn . wan als d' sam vnt'
 19va,32 dem dorn icht waehcset . also wochert
 19va,33 daz goteswort in der richen h'cen
 19va,34 nicht . Die richtvom v'lazzent den
 19va,35 mensh an dem tode . Paulus . "Wir haben
 19va,36 in dise w'lt nicht pracht wir
 19va,37 mvgen ovch dar vz nicht gevuoren"
 19va,38 Phylosophus . "Dehein richtvom volget
 19va,39 dem tode ." Die richtvm sheident ovch
 19va,40 den mensh von dem gotesrich
 19va,41 Dn-s dicit . "Streitet ze gen durch
 19va,42 daz enge tor ." D' divmotige vn d'
 19va,43 arm . der die burde des richtumes
 19va,44 von im geworffen hat d' mach durch
 19va,45 daz tor gen . hin z dem himelrich .
- 19vb,1 Die richen mugen durch daz tor nicht
 19vb,2 gen si entladen sich ovch . Die zergenchlichen
 19vb,3 wirtshepft sint ovch an dem
 19vb,4 gewalte . Die gewaltigen druchent
 19vb,5 ovch die arm aellichen . Iacobus . "Die gewaltigen
 19vb,6 druchent ivch mit ir vnrecht vnt
 19vb,7 vurent ivch hin z dem gerichte ." Secht
 19vb,8 wie div w'lt vichtet . Gegen dem strite
 19vb,9 sol div liebe h't sin . Gotes liebe ist ovch
 19vb,10 viwaerin . also sol ovch div vnsiriv sin . Div
 19vb,11 viwaeriniv lieb hat driv dinch . Die livter .
 19vb,12 Die andacht . Die hizzle . Die livt' merchet
 19vb,13 man an d' lampen . div ein livt' glaz ist
 19vb,14 also ist div liebe licht vnt liuoter . Gregus .
 19vb,15 Daz h'ce sol lovt' sin daz got enphagen
 19vb,16 sol . Daz ol in d' lampen bidivtet die andacht .
 19vb,17 Daz oel ist den wnden gvot . Got
 19vb,18 wart wnt vmb vnsere sunte . Die wnden

19vb,19 suln wir im salben mit vnser andacht .
19vb,20 Daz oel behaltet daz vivw' in der
19vb,21 lampen . daz vivw' geit die hizzē vnt den
19vb,22 shin . also tvet daz oel daer andacht . daz
19vb,23 geit die hizzē d' liebe div den menshen
19vb,24 erzvndet an guoten w'chn . Daz vaew' geit
19vb,25 ovch den shein . die warn erchantnvosh .
19vb,26 da von wir got vnt vnseren ebenchrist .
19vb,27 erchennen . Secht wie gvot div wariv lieb
19vb,28 ist . Nu bitten wir got daz er vns die
19vb,29 waren liebe geb . div gen dem tievel
19vb,30 starch ist . gen d' w'lt hert . vnt haēiz gen
19vb,31 got des v'leihe vns got . AMēN